

КНИГА БОРСЯ КНИГА

П-26

~~57969~~

2 9581



А. ПЕРВЕНЦЕВ

**ВОЛОДЬКА-
ПАРТИЗАНСКОЙ ПИ**

КОМИ ГОСУДАРСТВЕННОЙ ИЗДАТЕЛЬСТВО
СЫКТЫВКАР 1940





А. ПЕРВЕНЦЕВ

ВОЛОДЬКА- ПАРТИЗАНСКОЙ ПИ

Б. СИЛАТЕНА
Республика Коми
Кочевье
Сыктывкар

~~АБОНЕМЕНТ
Кочевье
Коми АССР, Сыктывкар~~

КОМИ ГОСУДАРСТВЕННОЙ ИЗДАТЕЛЬСТВО

СЫКТЫВКАР 1940

А. ПЕРВЕНЦЕВ
ВОЛОДЬКА-ПАРТИЗАНСКИЙ СЫН
на коми языке

Для младшего возраста

Редактор *А. Малафиева*. Техред.
О. Размыслова. Перевод *Рены Ми-*
хайловны Мальцевой. Издание № 88.
И 3541. Заказ № 2259. Тираж 2000 экз.
Стат. формат бумаги 60x92¹/₁₆.
Печ. листов 2, Уч. издат. листов 1,37.
Сдано в производство 26/IX-40 год.
Подписано к печати 21/XII-40 г.

Типография НКМП Коми АССР,
г. Сыктывкар, Дом печати.



I.

Кузь да чорыд бой муніс белёйяскөд. Иван Кочубейлөн бригадаыс видзис район степвывса Невинка ю кузя пустынной Сычевой кряжөдз. Фронт водзын паськыда куйліс шылыд плато—дас тысяча десятина видзьяс. Бригадалы паныд сулаліс генерал Шкуро, коді босьтіс Крутогорской ыджыд станица.

Тышкасисны фронт вылын казак Кочубей Иван да царской армиядырся на сылөн бывшой начальник, полковник Шкуро.

Пуксыны кутіс Кубаньдорса небыдик ар, кор чөскыд курыдөн өвтөны вижөдөм пырей да полынь, кор кышакылөны косьмөм ковыльяс да степын паськалөны плавной еджыд рөма гыяс.

Өтчыд рытын, виркисьтана уна бойяс бөрын, Суркули хуторө, Кочубей штабө локтіс ён конной отрядөн колльөдөмөн дивизияса начальник Кондрашев.

Кочубейлысь корөмсө радпырысь примитөмөн, Кондрашев пуксис пызан дорө да пөрччис шапкасө. Сійө вөлі тшыг да жальпырысь видзөдліс куш скөвөрда вылө. Гөгөрвоысь адъютант Левшаков воши. Кухняын дзижгыны кутіс гос, кыліс чөскыд дук, да регыдөн пызан вылө

мыччысис скөвөрөдә улын дзижгысь колбаса. Горничанын тыр вөлі табак тшын. Кондрашев восьтіс өшиньсө.

Өшинь улын мүдөд вылас кодкө нора сьыліс:

Гөра джуджыд,
Ишак омбль,
Кябитка ылыв,
Ваыс пыдыв...

Ахмет—Кочубейлөн телохранитель мисьтөма шуис:

— Некудз сьывны оз куж. Калмык сьылө, зэв лёка сьылө.

Игнат Кочубей — комбриглөн вокус, — колбаса сөйигтыр да быд минутаө вышывайтөм кичышкөдө чышкысигтыр, шуис:

— Не мөдног—лёклань. Вот сы водзын, кор виисны Наливайкоос, тадз жө сьыліс чөртово калмыкыд.

Дикөй сьыланкыв став вылас вайөдіс висьтавын вермытөм шог.

Чөв олісны. Весалисны пиньяс, газет бумагаысь гартадісны чигаркаяс.

Кондрашев помалис сөйны, куритчис, матыстчис Пелипенко дінө.

Взводнөй Пелипенко вайисфронт вылысь штабса начальниксянь юөрьяс и сы вөсна комбригса пызан сайын вөлі случайнөй гөстьөн. Сійө яндысис кушөдны асьыс кыз телөсө, но жарыс заставитіс разясьны.

Өбразьяс улын пукалігмоз чөскыдпырысь ньылаліс папирос тшын да быд минутаын сьөлаліс пельөсас, лабич улас. Сьыліас сьлөн югьяліс ыргөн крест.

— Енсө он вунөд?—лукавөя юалис Кондрашев.—А меным, гусьөник тэныд висьтала, комиссар ошйысис, мый тэ коммунистө гижсьөмыд.

Пелипенко гөрдөдіс. Яндысигтыр кизяліс дөрөмсө. Өстаткиысь қыскыштөмөн сьөлыштіс чуньяс вылас, кусөдіс наөн чигарка помсө.

— Неуна абу тадз, дивизияса начальник өрт: ме большевик, а абу коммунист,—поправитіс сійөс взводнөй асьсө төдысьөнджык пуктөмөн. Вичкоө ог ветлы, попьясөс ог радейт, но енлы верита. А коммунист должен



— Еясь он вунд?— лукавья юаііс Кондрашев.

крест пөрччыны, а ме крест дорö велалі, кызди куритчан дорö.

— Вот тэныд и программа!—горөдіс Кондрашев да, сёрнисö вежөмөн, шуис Кочубейлы:—Ваня, менам тэ дінö делö эм.

— Висьтав, эм кө делö. Мекөд ачыс Орджоникидзе делöяс йылысь сёрнитліс, а тэныд и ен ачыс тшөктіс,—шутитіс комбриг, да энөвтис калбассö сейөм, чышкіс чуньяссö веськыда пызандөраө да лөсьөдчис кывзыны.

— Со кутшөм делöяс, Ваня,—ньюжйö заводитіс Кондрашев.—Паськалөны юөръяс армия кузя, миянлысь фронтнымөс орөдөм могысь, генерал Шкуро чукөртö ыджид конной группа. Көсийö дзикөдз орөдны армияөс Царицынысь, Сталинысь, йөршитны көсийö миянөс Северной Кавказö, кызди бутылкаө. Аульясөд да станицаясөд ветлөны шкуринской агитаторъяс, князьяс да атаманъяс кыпөдөны йөзөс, мутитөны. Кызд сылөн делаясыс мунөны, Шкуроыслөн, миянлы зөв ёна колö төдны, Ваня. Штабсө сийö вуджөдөма Крутогорской станицаө. Сэні, слухъяс кузя, и центрыс сылөн. Мый сэн вөчсьö?

Кондрашев виччысьөмөн видзөдліс Кочубей вылө, кыскис носовик да бура чышкіс ассьыс пөсялөм, джынвийö лысөм юрсö.

— Сідзкө мый тэныд мясянь колö, Митька?—дивуйтчис Кочубей.—Крутой горка босьтны? Сет приказ!

— Оз,—өвтыштис Кондрашев,—колö нуөдны пыді разведка, ценной сведенияяс... Тэнад эм сюсь йөз.

— Эге, гөгөрвои!—радлыштис Кочубей.—А гашкө, станицасö босьтны все жö?

— Оз. Төдтөг, мый Шкуролөн вөчсьö и кутшөм вынъяс, верман бригадатö шыбытны западняө и воштыны уна йөзөс. А йөзөн рискуйтны оз позь, Ваня. Колö писькөдчыны Царицынлань, и быд морт миянлы зөв дона. А вот тэнад разведчикъясыд мед сетасны задание подпольной йөзлы. Тадз и партия крайкомын решитисны.

— Ну, раз партия решитис, ме паныд ог мун. Сылөн юрвөжөръясыс веськыдөсь.—Кочубей хлопнитис кияснас.—Володька!

Локтис киссьөм паськөма Володька, Кочубейлөн ра-

дейтанторйыс, бригадаөн воспитайтём детинка, неизвестной рёдысь и племяысь, „партизанской пи“, кызд шулисны сійос кочубеевецъяс. Детинка лосьодчис водны да вөлі матросской дөрөма, коді топөдіс сылысь неыджыд ён телөсө.

— Вот мый, Володька: лосьодчы Шкуро ордө гөститны. Тэ бур грамотюка—тысячаөдз верман лыддыны. Да и синъясыд тэнад, кызд обезьяналөн ярмарка вылын. Да нөшта почта подпольеө сетанныд. Письмөяс партиясянь. А мед тэныд өтнадлы эз вөв гажтём, босьт аскөдыд...—Кочубей быдөн вылө, коді сэні вөлі, видзөдліс и, Пелипенкө вылө сувтөмөн содтіс:—Пелипенкөос.

Игнат Кочубей чепөльтыштис избранникөс.

— Вот, Охрим, взводнойсянь—почтарө,— мигнитис сійө.—Көлөкөльчикъяс эн вунөд көртавны додь вожъясад.

Кочубей скөра видзөдліс вок вылас. Гырысь шагөн кутис ветлөдлыны комната кузя. Мыйкө думайтөмөн бормочитис вомгорулас.

— Вот штабса начальникөй менам өні абу, сійө эськө думыштис фокус.

Сэссия Кочубей чужөм вылын ловзис выль мөвп, сійө крута бергөдчис.

— Пелипенко лоас синтөмөн, Володька—нуөдысьөн. „Синтөмлы“ струмент судзөдны Игнатлы. Сет, Митька, почтасө да сёрнит став йылысь хлопецъяскөд. А тэ, Пелипенко, көть и синтөм,—видзөд кыкнаннад, мый сэн Шкуролөн.

Кондрашев сувтис.

— Ну, вот и бур. Эг прөстаысь ме тэ дінө, Ваня, шыөдчы. Сідзкө, ставсө вөчан?

— Раз колө—вөча.

— Прөщай.

Найө окасисны.

— А ті, разведчикъяс,—обратитчис начдив Пелипенко да Володька дінө,—петамөй мекөд. Сэн кильчө вылас недыр пукуштам, сёрнитыштам. Кильчө вылас ыркыджык дай „йөз пельяс“ тыдалөныджык.

Найө петисны керкаысь. Ошинюлын ломтысисны неыджыд костёръяс да на водзын чукөрөн пукалисны дежурной частьса боецъяс. Ывла вылын забор дорын



Локтє кнсьѡм паськѡма Володька, Кочубейлѡн радейтанторѡмс.

сулаліс Кондрашевлон конвойной отряд. Вов домаланінас фыркйодлісны седлоалом вовъяс. Начдив гогор видзодліс, пуксис кильчо пос вылас да Кочубей дырйи сточа ставсё висьталіс мый кузя нуодны разведка.

— Мёдодчыны оні жё,—шуис Кондрашев.—Кадыс оз терпит.

II.

Войнас Волчьей балкати органчика квайт пуд съокта „синтом“ да нуодысыс вуджисны фронтлысь условной линия. Найо дас кык верст гогор мунісны муяс вывті, югдігкежлас воисны Крутогорской почтовой трактодз.

— Кыдз бур вовъяс,—упкигтыр шуис „синтом“.—Абу одйё, Володька?

— Абу, Пелипенко ёрт, ме чож.

Налы паныдасьлісны и верзьёма вёлаяс, и вёла-доддяяс, но некод на выло прамоя эз видзодлы. Уна сэки ветлодлісны сылысь синтомъясыс кубанской тальом туйті. Ярмаркаяс да базаръяс вылын кывзісны найос, шыбыталісны корт чашкао грёша милёстинаяс, но тати корысьясос панъялісны рёттомон, медым виччысьтог оз кутчысьны.

Аул пройдитом бoryн, кодзыд шорти брод вуджигон, взводной вильдіс из выло, уси да котасис.

— Тю, чуклякока бес!—видчыштіс Пелипенко.—Кыдз вов вылысь чечча, сидз и нападитас ме выло кутшомко тіралом!

Лои сувтлыны, коть Крутогорской вёлі син водзаныс. Вочисны шойччог. Пызралісны кыкнаныс корысьлысь лёк котасьом паськомсё. Ошодісны кустъяс выло косьтыны. Пасьтом Пелипенко овтчис лопухон арся горш гутьясысь.

Кубаньса паськыд долиналон вор оръявліс юясон. Консюро веждісны небыд кузь туруна видзьяс. Веськыдвывса крут берег вылас ошалісны юдорса керкаяслон сарайяс да заборъяс. Ропкысь ва мельнича везьтасас, обрыввылас, бура тыдалісны кутшомко заводской стройбалон джуджыд кирпичной стенаысыс. Заводсянь крута увлань лэччо пу пос. Пос кузя лэччо казакъяслон оркестр.

Шонді улын ломзылёмён да куслёмён дзирдалісны трубаяс. Трубаяс свайнөй пода пос вылын сетісны медбөръя сигнал и саялісны вöрас. Вöрас, тыдалö, көс-йö лоны гулянье.

— Бура станицаын йöзыс олöны,—шуис Володька трубачьясöс синнас колльöдигмоз.

— Мыся тайö станица?—мисьтöма вомсö пöлынтьöмөн шуис Пелипенко.—Юяс ветлыны позьтöмөсь, сідз и уськөдöны кокйивсьыд. Станицаөдз воөдчиг кості, кырныш моз лэбалан гöрасянь гöраө. Миян Кирпильскöй станицаысь бурджыкыд абу. Став станицаыс—кызд кипыдöс вылын, а шöрас ю визувтö, лөнъ, важнöй, быттьö попадьяс. Камышъяс пöвсын миявын быдся тварь параа: утка, лыска, нырок, чирок. Кирпиляын сазанъясыд—порсь пиян кодъ. А ракъясыд? Ракъясыд —кызд черепахаяс,—öти клешняыс тырмас закуситны бутылкаджынтö югöн. Эх, Володька, бур станица Кирпильскöйыд! Кызд нетшкам кадетлысь став юрсисö, лок ме ордö гөститны. Гөтралам тэнö Кирпильскöйын. Справнöй нывкаяс миян станицаын, вот татшöмөсь, ме кодъ..

Пелипенко лöсьöдіс паськыд пельпомъяссö и ошйы-сигмоз гартовтіс шоч усъяссö.

Володька кыскыштіс сійöс киöдыс.

— Видзöд, Охрим дядь!

Пелипенко синсö читкыртöмөн видзöдліс.

Ваö пырис сьöд буйвол стада. Найö пырисны визулаинö, водісны да лэптисны вывланъ безразличнöй квадратнöй чужöмъяссö. Пастух гачсö пöрччитөг вуджис юсö да, пышысь вöчöм змейкодъ плетьсö кыскигмоз, матыстчис туйвыв йöз дінö. Здравойтчис, пуксис да корис куритны. Пастух вöлі омоль да кузь кокъяса том жугыль зон. Сійö куритіс Пелипенколысь улёват табаксö и помтöм кызіс. Визув ва вылас видзöдöмөн, нем думайттөг юас шыблаліс изъяс.

— Радейтö буйла ватö,—корысьяс вылö видзöдöмөн ньöжйö сійö шуис.—Пырас ваö—и он лэпты: кызд каменнöй. Дышöдіс налы подчиняйтчöмөн овны. Быттьö скöтинаыслы и көзяин и абу көзяин. Виччысь, кор сійö ачыс чеччас.

— Көзяин?! — шемöсмуни Володька пастух кис-

сьом паськѡм да гын шляпа вылас видзѡдѣгтырѣи.—Став буйволыс нѡ тѣнад?

— Кутшѡм сѣні менам!—кызѣгтыр ѡвтыштѣс пастух.—Йѡзлѡн скѡтинаыс. Черкесскѡй князь ордын уджалысьѡн ола. Ставыс воуйтѡны, а ме ѡтнам буйлаяскѡд, тшѡтш, пѡди, воуйта.

— Шыбытѣн эськѡ найѡс,—сѡветуйтѣс Володька. Пастух видзѡдлѣс сы вылѡ. Володька видзѡдѣс зонлы жугыль руд синъяс вылас. Синулас вѡліны пемыд кругъяс и, кѡть вѡлі томиник, посни пѡрысь чукуръяс.

Шыбытѣ кѡть, да ог вермы. Кодлы ме кола? Висьысь ме. Ачым ме Суворовскѡй станицаысь. Вильыш детинка вѡлі. Ѳтчыд анькытш гусявлѣ хуторса Горбачев Лукалысь, а сѣйѡ суис, но ме сѣйѡ лунсянъыс и косьмыны кутѣ.

Пелипенко зургыштѣс Володькалы бокас, вашнитѣс:

— Миян Горбачев Тарас вок йылысь, коймѡд сотняса старшина йылысь.—И гораа юалѣс:—Мыйысь нѡ косьмыны кутѣн?

— Кутѣс Лука, вѡжжиѡн кѡрталѣс телега дорѡ да и кутѣс гѡняйтѡдны вутшъяс вывтѣ, кытчѡдз голяысь вир эз мѡдѡдчы. То сералѣс Лука, а то и ачыс повзис, разис, гортѡ ыстѣс да зептѡ анькытш нѡшта сѡвтѣс.

— Гашкѡ, эз Лукаѡн шуны Горбачевсѡ, а Тарасѡн?—букыштчѡмѡн юалѣс взводнѡй.

— Абу, Лука—ѡвтыштѣс пастух.—Тарасыс вок сылѡн. Сѣйѡ веськыд морт. Сѣрнитѣсны уличаын, сѣйѡ пѡ Кочубей ордын отрядас. Ме эськѡ ачым мунѣ Кочубей ордад отрядас, да ог туй. Оз жѡ ѡд босьтны-а.

Буйволъяс мѡдѣсны сувтавыны. Пастух чеччѣс. Сѣйѡ довъялѣс кузь кокъяс вылас паськѡмсѡ кизялѣгѡн. Паськѡмсьыс киссисны хлопок ѣкмыльяс.

— Кодѣ Крутогорскѡйас атаманлѡ?—быттѡ сѣдз юалѣс Володька.—Кодѣ веськѡдлѡ, бур-ѡ пѡрысь корысьяс дѣнас?

— Да, гашкѡ, пѡрысьяс дѣнад и бур, а вот томъяссѡ ставсѡ виис,—скѡрмѡмѡн да гѡлѡссѡ вежѡмѡн висьталѣс пастух.—Главнѡйѡн лѡѡ атаман Михаил Басманов—генерал. Вѡлі генерал Покровский, ѡшѡдлѣс, ѡшѡдлѣс йѡзсѡ да фронт вылѡ сетчис. Ѳнѣ Шкуро танѣ. Азиатскѡй



Ва паськѡмыс косьмис туяс взводнѡй пѡсь телѡ вылын.

полкъяс видзёдлыны воёма, а гашкё, царскёй тьёткаёс видлыны.

— Кутшём тьёткаёс?—сюся юалис Пелипенко.

— Да гоститё ёні станицаын великёй княгиня. Менё вёскресеньё эз лэдзны сійё уличатыс, кёні сійё оло. Сэні вёлі йёктёны.

— Видзёд, веськыда абу Крутогорка, а Петербург,— дивуйтчис Пелипенко.— Да мый жё сэні найё вёчёны? Йёктёны, и ставыс? Йёз вир воштёны, а найё йёктёны!

Пелипенко вунёдчёмён, мый сійё синтём, чеччыш-тис, сьёлыштис да видчыштис сідз, кызд вермис бурмёдны сьёлёмсё сёмын збой Кочубеевскёй командир.

— Охрим дядь,—кыскыштис сійёс Володька,—тэ жё синтём. Тэнад колё лоны ёдва-ёдва лолыд пыткад, а тэ—кызд строевёй вёв!

— Тю, тю, вунёді.—скёрысь ёвтыштис Пелипенко.— Он выдайт, пастух, а?

Но сійё, сы выло видзёдтёг да прёщайтчытёг, кызиг-тыр, вуджис юсё да вётлис гёра вылас кётасьём, югъя-лана стадосё.

Ва паськёмыс косьмис туяс взводнёй пёсь телё вылын. Найё мунисны, и велёдчём могысь Пелипенко видзёдіс син еджыднас, сьылис органчиксё бергёдлёмён. Тадз кыссисны вичко ёграда дорёдз да кольччисны узыны груша пуяс сук да надёжнёй увъяс вевттьёд улын, не-ылын кодкё гу дорсянь.

Асывнас найёс вётлис вичко стёрёжыс, и найё мёдёдчисны базарлань.

III.

Станица вёлі уна йёза, шума. Тёдчис фронтлён матилун. Ошинювъясын сулалисны армейскёй додьяс, тачанкаяс, кухняяс. Площадь вылын, вёв домаланинё, меститчёма черноморец-казакъяслён сотня; чурвидзисны брезентён вевттьём горнёй ёрудиеяс.

Базар вылын бабаяс вuzасисны йёлён, нёкйён, выйён. Готсисны дзодзёгъяс кийсь киё ветлёмён. Перыда вuzассисны арбузъяс да дыняяс.

Чёволысь карачаевецъяс пидзёс выланис пукалисны ыж госьсь вёчём пирамида-брынзаяс водзын. Тан жё

орчӧн, гӧгӧр видзӧдісны жугыль улис сингъяснас, гезйӧн кӧртавлӧм, джуджыд гӧравывса пастбищеясысь кос межъяс.

Альпийскӧй видзьясӧ да шынитӧлӧ велалӧмъяс, найӧ эз гӧгӧрвоны базарса ноксьӧмлысь мичлунсӧ, баксісны да бергӧдлісны шемӧсмӧм кос юръяссӧ. Карачаевкаяс вужасісны айранӧн, тайӧ чӧскыд шома йӧвсӧ кисьталісны пемыдгӧрд кучик мешӧкъясысь — бурдюкъясысь, кодъясӧс долинаысь вайисны ичӧтик тушаа лӧк гӧна осӧлтяс вылын.

Синтӧмъяс бӧрысь вӧтлысісны детинка чукӧр. Пелипенко мудзис синсӧ куньтыравны да петкӧдчыны висьлӧсӧн. Сійӧ вӧлі пӧсялӧма да скӧр. Базарысь мунӧм бӧрын, найӧ бара веськалісны вичко дорӧ обедня понасигкежлӧ. Праздничнӧя пасьтасьӧм йӧз чукӧрӧ пырӧмӧн, найӧ веськалісны сійӧ кад кежлас, кор вичкоюсь, ыджыдлунся звӧнӧн колльӧдӧмӧн, петіс ачыс генерал Шкуро.

Генеральскӧй конвойысь казакъяс кутісны йӧзӧс зырсьӧмысь, но Шкуро регыдӧн лоис топыда кытшалӧма любопытнӧй йӧзӧн. Пелипенко, кор сійӧ вӧлі юрджыныйӧ вылынджык ставсыс, кужис аддзыны генералӧс.

Шкуро вылысяныс пасьтасьӧма вӧлі зэлыд руд черкескаӧ. Оружиеыс вӧлі мичмӧдӧма слӧн лыӧн. Черкеска сосьясыс паськыдӧсь да пуджӧма пӧшти гырдыдзӧдзыс, кыті мыччысьӧ вӧлі шӧвк бешметыс.

Генераллӧн видыс вӧлі мунӧ обыкновеннӧй казачьей вахмистр вылӧ. Асьсӧ петкӧдліс зэв ыджыдӧ пуксьӧмӧн да грубӧйӧн.

Сійӧс колльӧдысь отделса атаман генерал Басманов югъяліс крестьясӧн да медальясӧн, кодъясӧс перйӧма ещӧ Манчжурияын на китайскӧй крестьяналысь восстаниеӧс пӧдтігӧн. Съӧд ной черкеска вӧлі вурлӧма зарниӧн. Бешметыс сэтшӧма зӧлӧдӧма ош кодъ голясӧ, мый атаманлӧн чужӧмыс потӧ вирусла. Михаил Басманов вӧлі кыз, ӧн. Шкурокӧд сӧрнитігӧн нюкыльтчывліс став тушанас да, тыдалӧ, яндысис мышсӧ кусньӧдлыны тайӧ омӧлик, мисьтӧм выскочка водзас, коді фейерверк сямӧн кысянькӧ лӧбзыштіс чингъяс да слава вершина йылӧ.

Шкуро ньӧжйӧн муніс водзӧ. Сійӧ дӧзмӧмпырысь чукрасис да вӧлі беспокойнӧй. Мунігмозыс висьтавліс станичникъяс юасьӧмъяс вылӧ фронтывса успехъяс

йылысь, армияö лоны вермана куим вося призыв йылысь. Юасьомъясысь, тыдалö, сійö дözмис, да öтвечайтис öдийö, лёк, оръялан гөлöсөн.

Володькалы, кыз кöть сійö эз нюжöдчы, оз вöлі ты-дав Шкуро, но сылөн самоуверенной гөлöсыс скöрмöдис Володькаöс, да сійöс сідзи и кыпöдис вöчны генераллы омольтор. Кор Шкуро, кодкö юалём вылö, скöра шуис Кочубейöс большевистской выродокөн, Володька эз вермы кутсыны да гораа горöдис:

— Ваше превосходительство, збыль, мый тi кутиньд Кочубей Ванясö?

Гөгөр лөнисны. Басманов веськöдчис, скöра видзöд-лис синъяснас. Кутшöмкö салдат турунвиж обмоткиа, доймытöдз, чепöльтис Володькаöс, кыскыштитис сійöс да сувтöдис аслас паськыд спина сайö. Пелипенко, син еджыдъяснас видзöдлiг, кымис. Гроза прöйдитис. Басманов ку-сынътчис Шкуро дiнö, и сійö синкöршаяссö вештыштöмөн чорыда шыбытис:

— А менö кутис Кочубейыс?

— Некиды эз, ваше превосходительство! —тэрыба шуисны öтлаын конвойной казакъяс да öткымын старикъяс.

— Ну, сідзи и ме сійöс.

Воськовъяссö öддзöдöмөн Шкуро матыстчис фаэтон дорö, вештитис истеричной дамаясöс, кодъяс кöсийсны окыштни черкеска пöласö, да мöдöдчис гортлань вöла конвойөн весалём туй куза.

Эз удит фаэтонлөн лакируйтём мышкыс саявны акацияс сайö, кыз площадьсö кытшалісны казакъяс-черноморецъяс.

— Облава!—ёна повзьöмөн горöдис том карачаевец да, гырлданас уджалöмөн, уськöдчис боклань.

Обмоткиа салдат öдийö копыртчис, бусён мавтитис чужöмсö да, вежынътчöмөн, мигнитис Володькалы:

— Пыр жö кутасны призываютны... добровольческой армия. Гашкö, йöй пыдди прöйдита!

Пелипенко кыскис Володькаöс, синтöмалёмсö вунöдöмөн.

— Босьтасны, ей-бо, босьтасны,—тревожитчис сійö.—Аддзан кыз Шкуроыс войскасö чукöртö.

— Охрим дядь! Лыдды, задача джынсö решитим,—

радліс Володька.—Аддзан, кыз найӧ доброволецъясӧс чукӧртӧны! Та йылысь и сомневайтчис начдивыд.

IV.

„Синтӧмъяс“ петісны станицаысь да расположитчисны ю дорӧ, неылӧ ва мельничаынь. Некод налы эз мешайт. Найӧ вундалісны кузьмӧс кусӧкъясӧн арбуз да юмов тӧв-йӧм дыня да сёрнитісны талунся аддзылӧмторъяс йылысь. Органчик куйліс орчӧн. Неылын купайтчисны. Пелипенко чувствуйтіс асьсӧ лёка Суркулиысь тэрмасьӧмӧн судзӧдӧм зэлыд паськӧм пытшкын, да заводитліс пӧрччыны дӧрӧмсӧ. Дӧрӧм улас нинӧм эз вӧв ён розӧвӧй мускула телӧ кызди, и Володька эз сӧветуйт пӧрччыны.

— Охрим дядь, зэв нин тэнад тушаыд ладнӧй. Мед эськӧ эз гӧгӧрвоны. Кӧть ордыястӧ няйтӧн мавтышт, а со кутшӧм жӧ тэ синтӧм морт.

— Да, тыдалӧ, мый тадз,—ышловзис взводнӧй.—Вот кызд поштанад?

Базарвывса сёрнисыс найӧ тӧдмалісны: нель большевикӧс, кодъяслысь овъяссӧ налы индіс Кондрашев, регыд на та водзын Шкуро ӧшӧдӧма базарнӧй площадь вылын. Витӧдыс пышйӧма и, сёрнияс серти, дзевсясьӧ кубаньдорса садъясын. Медым аддзысьлыны ськӧд, колӧ вӧлі имеитны тӧдсаӧс станицаысь.

Пелипенко нӧшта ёнджыка пӧсяліс да помаліс коймӧд арбуз, кор на дорӧ, тӧдлытӧг матыстчӧмӧн, пуксис осетинскӧй шляпаа кузь кока тӧрытья пастух.

— Видза оланныд, ёртъяс,—сэтшӧм жӧ безучастнӧй гӧлӧсӧн здоровайтчис сійӧ, бокӧ видзӧдӧмӧн.

— Здорово, ёрт,—пастухӧс киӧдыс кутӧмӧн, вочавидзис Пелипенко, „ёртъяс“ шуӧмас друг казялӧмӧн вичысьтӧм союзникӧс да отсасысьсӧс,

Пастух гӧгӧр видзӧдліс. Сувтіс.

— Тан абуджык лада.

Найӧ вуджисны гудыр да жургысь юсӧ, прӧйдитісны ичӧтик вӧр да воисны ю лыаа берег вылӧ. Тан йӧз эз вӧвны.

— Письмӧтӧ сетны этша, колӧ станицасӧ кыпӧдны,—нӧжйӧ да пыр сідз жӧ шога шуис пастух, Пелипенко-

ос помодз кывзём бёрын. Сэссия кызышти́с.—А ті верман-
ныд. Ловъя Кочубейыс?

— А кытчö нö сійö лоас!—гордöя вочавидзис Во-
лодька.

— Со и Шкуро шуис, кыз тэ сылысь юалип. Ме
ставсö кылі. Тшöтш вичко дорын вöлі. Гөгөрвои. Эз жö
прöста, думайта, воны öпаснöй местаö. Казялі—разведка.
Тані важөн нин виччысьöны краснöйястö. Адзылінныд,
кызди генерал дорад доброволецъясыд мунöны? Мыйла
Кондрашевыд оз лок? Öд кокниа позьö босьтны ка-
детъясыдлысь станицасö.

Зонловзышти́с. Кажитчис сійö öні Володькалы томөн да
мичаөн. Пелипенко эз поддержит воинственнöй настрое-
ниесö сёрнитысьлысь.

— Станица босьтны кокни, да кутныс сьöкыд,—
тöлкөн шуис взводнöй.—Чеччыштан сэтчö да и лоан,
кызд шыр пöртйын. Гуын сулалö тйан станицаыд,

— А ме век думайтлі сетны отсöг асланымлы, шку-
ринскöй пушкаяссö лыдди, пулемётъяссö,—жуглясис зон.—
Кöсья вöлі мыйöнкö отсавны асланымлы...—и сійö по-
мавтöг бергöдчис.

Взводнöй сöгласитчёмөн довкнитис юрнас. Вөрзьöдис
зонмös:

— Кызд тэнö шуöны?

— Степанөн,—вочавидзис пастух, шляпасö чужöм
вывсьыс вештытöг.

— Так вот мый, Стёпка: пушка да пулемёт лыд ра-
дейтöны. Эн прöста лыдды. Но-ко, тэчлы, мыйда тайö
добраыс кадетыслөн.

Зон ставсö лыддьöдліс шкуринецъяслысь огнево́й во-
оружениесö. Цифраяссö Володька гижалис органчик вы-
лö. Пелипенко весиг пöсяліс да, Володькаос тувкөдігмос,
шуалис:

— Аддзан, ставыс тыдалö—кызд аслад амбарын.
Батькоыд куимпöv кутас окавны бригада водзын татшöм
арифметикасыд. А тэнсыд висьöмтö лечитам, эн шог-
сьы,—бурöдис Пелипенко Степанös.—Миян бригадаын
эм сюсь фершал, фамилияыс Чуйкин. Рыжöй, мисьтöм,
а ставсö тöдö: вөлос и боецöс вермö кокйылас сувтöд-
ны. Вежон сайын тайö путешествеöдзыс мучитчи ме

кынёмон. Ог гөгөрво, мыйысь сійё гудыртчис: ыж яй-
йысь ли, кисьяк-каймакысь ли. Сідзсё быттё оз и вермы
сійё лоны, өд сёи сёмын сійё кисьяксё ведраджын мында
Ивановской сиктын. Оти кывйон, гөрбыльтіс менё ви-
сьём. Эг вермы веськыда ветлыны, пыр мегыр моз.
Пронос воссис. Беда! Хлопецъяс—атакаө, а ме—
кустьясё. Взвод водзын страм. Отчюд кадет менё
чуть эз керав, да случай спаситіс. Гачасьны ме эг удит.
Яндысьыштіс кадетыд, и кералі сійёс ме. Гапкө, не-
кор эз тышкасьлы барчукыд гачтөмыскөд. Сэк шы-
өдчи ме Чуйкин дінө: „Бурдөд,—шуа.—Босьт мый көсь-
ян дон пыдди: шашка, кiset. Эз босьт нинөм, а бур-
дөдіс. Сетіс бутылкаын зэв сьөд жидкость да шуис:
„Кык пу паньон куимысь суткинас“. Кыдз кион босьтіс!
— Да мый нө сійё вөлі, Охрим дядь, дегөдь?—му-
дера юалис Володька.

Пелипенко дөзмыштөмөн шуис:

— Дегөдь?! Татшөм фершал да дегөдь... Сійё менё
лечитіс сійон, мый войдөр царь ачыс юліс, революция-
өдз... Креолина кутшөмкө, во!

Пастух виччысьөмөн нюмъяліс. Кыномас кутчысьөмөн
Володька быглянис лыа вывті.

— Тэ мый?—пөльтчис Пелипенко.

— Охрим дядь,—чилзіс Володька,—да креолиннас
вөвъясөс лудөмысь мавтөны.

— Ылөдлан тэ!—дөзмис взводной да, неуна шөйөво-
шыштөмөн, содтіс:—А ме мый висьтала: вөлөс и боецөс
кокийлө сувтөдө. Мый письмөнад вөчны?—юалис сійё
пастухлысь, медым вежны сёрнисө.

— Пробуйтлам. Лэдзлы Володькатө. Ветлам...

Пастухөс кызөдіс. Каркнитіс вирөн.

— Дерт, серамыд серамөн, а колө Чуйкиөдз,—тшөк-
төмөн шуис Пелипенко, вир вылас видзөдөмөн.—Пыр-
жө, кыз кион...

— Миян асланым черкесской доктор аулын, став мир
вылас доктор,—ышловзьөмөн ошйысьыштіс зон,—да сійё
нө пастухөс кутас лечитны! Мый босьтан пасьтөмыдлысь?

Володька матыстчис:

— Степан, а кыз нө эськө сійё большевик дорөдзыс
веськавны, коді садъяс муніс?



Зон ставсѣ лыддьѡдлѣс шкуринецъясльсь огневѡй вооружениесѡ.

— Вот кыздз...

Ызгысь Кубань дорын дыр шөпкөдчисны йөз.

Кор немдiс да берегдоръясын мыччысисны патрульяс, Пелипенко, Володька да налөн выль другыс кыссисны берег дорти нюклясьысь бадьяс пөвсөд.

V

„Синтөмъясөс“ белогвардеецъяс вөлі кутөмны ю дорын, изъя брод дорын, да, есаул Колков допрос бөрын, найө көрталөмөн куйлісны вөв доддын. Коли суткиысь унджык. Пленнөйясөс кытчөкө көсйисны мөдөдны. Правленнөлань кыссисны тыртөм да брезентөн вевттьөм пөжалөм нянь тыра доддьяс. Додьясын пукалісны винтовкаөн вооружитчөм казакъяс-подводчикъяс. Правление дорын додьясө кутісны грузитны чукөрө көртавлөм рогатинаяс. Володька заводитліс шутитны, косьмөм вомсьыс кывъяссө йөтлалөмөн:

— Сюрим өшпиян шы йылө!

Пелипенко ыджыд юрсө чатөртөмөн киргис. Ён бо-йөн перъяліс есаул признаниеяс Пелипенколысь. Но съөкыд вөлі мыйкө-либө перйыны кочубеевецлысь. Взводнөйөс кызөдіс. Вомсьыс пөлыштчисны алөй болькъяс, кодъяс өшөдчисны усьяс вылас вира ёкмыльясөн.

— Ойдөнджык эськө мед виисны... подлюкъяс...

— Сюрин, гөрд рушкауа бес!— скөра шуис подводчик, дзор паськыд тошка пөрысь казак, да зургис Пелипенколы бокас.

— Мый тэ сійөс мучитан, кум?— жалитіс мөдыс, пленнөйясөс плетьөн мунигмозыс швичнитөмөн.

Мурөстөмөн взводнөй кыпөдчыліс, но, вын бырөмыс-ла пласът уси.

— Оз ло пыр пемыд, лоас и шондіа,— бурөдөмөн вашнитіс Володька, ковтөм комог ньылыштөмөн.

Сійө крепитчис, көть есаулсянь пөлучитіс чуть этшаджык другсьыс. Сылы вөлі жаль взводнөйыс, коді вөлі пыр ён, зумыд морт, а өні врагөн уськөдөма мышку вылас, нөйтөма да визувтө вирөн.

Керкаясянь усисны вуджөръяс. Вөлаяс мөдөдчисны. Казак-подводчик, турун вылө бурджыка пуксьөмөн да винтовкасө пидзөс вылас пуктөмөн, вөрзөдіс вөвъяссө медбөрын. Мөдөдчис рөттөмөн вутшка туй дорөдыс. Додьяс чеч-

чалісны. Пленникъяслы ёна мёрччис подводчиклөн „услугаыс“.

Володька невольнō тōдвылас уськōдліс пастухлысь анькытш гусялōмсьыс нōйтōм кузяыс прōстōй висьталōмсō. Эз вōв накōд шог синъяса кузь кызысь зонмыд. Аддзыліс сійōс Володька медбōръяысь Пелипенко дīнысь, кор суōдісны найōс неылын изъя бродсянь.

Аддзыліс Володька мыр сайсянь лыйсигōн, кыздōвтыштіс сылы пастух аслас вывтī кузь кияснас да вошисгыбыд юō.

Но эз тōд Володька, мый эз пōгибнит налōн вель другыс, а кывтіс ылōдз увлань, да видз вылысь кутōм вōв вылō пуксьōмōн, воōдчис Кочубей бригадаса передовōй линияōдз. Эз тōд партизанскōй пи, мый степвывса косьмōм джуджыд оврагъясті найōос мездыны гōнитō скачōн Иван Кочубей белогвардеецōн пасьтасьōм удалōй ватага юрын.

Тōдіс кō партизанскōй пи, мый сылōн приемнōй батыс, морт лов ценность йылысь начдивлысь кывъяссō помнитōмōн, лэбзьō татчō, эськō эз вōв сэтшōм шог думайтны олōм пом матыстчōм йылысь.

Дженьыд олōмыс детинкалōн колō вōлі вот-вот орны. Кōть и эз тōд сійō тайō олōмас торъялана радлōмъяс, но жалитіс сы йылысь. Зэв сьōкыд вōлі энотны мирсō, кодī сōмын на заводитчис воссьыны сы водзын.

Володька беспокоитчис разведкаын тōдмалōмторвōсна, боевōй сотня судьба вōсна, кодъяс быдтісны сійōс, аслас ыджыдджык муса ёртыс вōсна. Мыйōн сійō вермас отсавны? Сійō вōлі кōрталōма да эбōстōм ачыс.

Треситіс.

Володька тшōктіс:

— Дядя Охрим, ошйы ме вылō, гашкō бурджык лoас.

— Ой, другō,—киргис Пелипенко,—сюрим, кызд дуреньяс. Мый батько шуас, кор тōдлас!—лолыштіс сійō быг сорōн.—И детинкаōс йирасны.

— Кытчō ем, сэтчō и сунис, дядя Охрим,—нюммуны заводитлōмōн шуис Володька.

— Эз прōста, тыдалō, ошинь улад сьыв калмыкыд,—шуис Пелипенко,—збыльтор Игнат висьталіс: омōль водзын татшōм сыланкылыд.

Володька горша видзодіс гөгөр.

Пыдын логйö вöйöм станица кыт-сюрö коньöр мозкы-пöдчöма гöра вылö. Тшöтшкöс гöра улын—кудриа садъяс да стрöйбаяс. Улитыс логсö кырлöдлöмөн визувтис бурнъясөн чикльöдлөм Кубань. Ылын Кубань сайын тшына-на-на-на-на аулъяс да паськöдчöма степь, уна рöма, кыз афганскöй шаль.

— Бур станицаын олöмны йöз,—ышловзис Володька.

— Овнытö и скöтвидзанинын лöсьыд, а вот кувнытö...

Обоз, окраинасö прöйдитöм бöрын, муяссö кытшла-лöмөн, мунис Кубань веськыд берегвывса увтастi. Кык конвойнöй, поводъяссö седлö вылас шыбытöмөн да кокъяссö стремена-сыс мездöмөн, сёрнитисны. Конвойнöйяс—прöстöй том зонъяс. На улын вöлины сийöсьясөн зыртöм голяа вöвъяс да важ казачьей седлöяс. Öтикыс, кузь ныра да тешкодъ, перйис ситеч табак кöшель, гартыштис чигарка, чургöдiс кöшельсö мöдыслы. Кутисны пöльтны макорка тшын. Пелипенко сьöлыштис тшыг дульсö.

Сутки чöж сёянтортöг, а главнöйыс—куритчытöг. Куритчыны ёна колöмыс недыр кежлö вевтыртлiс телö-ыслыс висьöмсö.

„Öтчыд кö эськö кыскыштны кувтöдз!“

Ылын, кельидвеж видзьяс вылын тыдалiсны верзьöмаяс.

— Тыдалö, карачаевецьясöс казакьяс керасыны велöдöны,—тöдмалöмөн шуис кузь ныра конвоир да сера-лигтырйи содтiс:—куш плешка-ястö вöскресеньё сöмын и гöняйтöдны. Прöст лунъяснад тани ёнджыкасö асьныс казакьясыс кустьяс кералöны...

Мöдыс важнöя шуис:

— Сёрнияс да больгöмъяс, а делöыс сулалö. Колöвиавны, а то есаул Колков кокъяснымöс нетшкас.

И, тыдалö, асьсö ыджыдджык пыдди лыддьöмөн, го-раа горöдiс:

— Сто-о-ой!

Вöлаяс сувтисны. Пленникьяс додь дорö матыстчисны кык казак, прöста любопытство кузя. Мукöдыс, туйсьыс кежöмөн, водалiсны да видзöдiсны.

Старик-подводчик местасыс чеччытöг бергöдчiс да, кöсöя синъяссö чöвтöмөн, шуис:



Адзыліс Володка мыр сайсянь лыйсигон, кыда овтыштіс сымы
пастух вьвті кузь кияснас да воши гыбыд юо.

— Виой найоос додь вылас. Куломъястө-од туй вылас он жө шыбыт. Ковмас жө нуны ылджык станциясь... көзьяйскöя.

Конвоирьяс вөвьяс вывсыс лэччалісны. Вөвьяссө повододыс кыскөмөн кытшовтісны додьсө да сувтісны. Чужөмьясыс налөн вөліны серьезнойоьс да пөсялөмаоьс. Старшойыс гыжъялыштис балябөжсө.

— Вирыс, гашкө, резяс. Нинөм?

— Ладнө нин. Мөс яй жө-од базарө кыскалам,— висьталіс старик да пелька чеччыштис додьсыс.

Володька видзөдіс повзьөмөн. Сылөн сьод синьясыс кажитчисны югьялысь уль сир войтъясөн. Сійө сөмын өні гөгөрвоис нелепөй расправалысь матілунсө. Некор сылы кулөмыс эз кажитчыв татшөм матын да прөст. Пелипенко ортсысяньыс вөлі спокойной да пюмъялөмөн нарошнө гораа шуис:

— Прөщай, партизанскöй пи.

Володькалөн синьясыс вевттысисны ковтөм синваөн. Сійө нервнөя курччаліс вомдорсө. Пелипенко аддзис сылысь сөмын шырөм балябөжсө.

— Мый нө тайө татшөмыс? Мый вөсна? гортөма вашкөдіс Володька.

Конвойнойяс, винтовкасө пөрччөмөн, нямрасисны. Делөыс вөлі непривычной, да найө эз төдны, кызди сы дінө босьтчыны.

Налысь полөмсө да нямрасьөмсө казялөмөн, старик-подводчик довкнитис юрнас, босьтис доддысь винтовка да, бөрынтьчөмөн, мисьтөма вежыньтчис:

— И кыз тайө тадз! Татшөм сурьезной делө—и доверитны татшөм нөнясьсысылы!

Вешйыштис, видзөдліс кикар пырыс, пернапасасис. лэптис винтовкасө да кутис метитчыны.

— У, бусурманскöй сила! Кулом водзад и юрбитныд некодлы. То-ва-ри-щи!

Пелипенко усис увлань чужөмөн. Подводчик равөстис. Но взводной эз вермы отсавтөг чеччыны, көть и заводитліс. Старик матыстчис сы дорө.

— Татшөм пөжторвылад пөрысьө-нэмө лон киөс пежавны,— шуаліс сійө.—То-ва-ри-щи!

Аддзис Пелипенко морөсысь крест, сійө шемөсмуні.

— Крест? Вот так случай! Гашкō, и енмōс на эз ву-
нōд?—Бергōдчис, равōстис:—Хлопецъяс, тайōс колō кыс-
кыны! Тайō креста. А зырымбедьсō—мушка вылō.

Володькалōн дрōгмунлисны пельпомъясыс. Сийō сідз
жō куйлис увлань чужōмōн. Пелипенко кос вомдорсō
нюлыштōмōн, ньōжйōн, но чорыда корис:

— Петкōдлōй меным крест. Юрбитышта.

Казак, довольнōй, пырис питшōгас взводнōйлы да
перйис крестсō, пуктис кипыдōс вылас да лэптис син
весьтōдзыс. Пелипенко каркнитис довкнитчис водзлань
да съōлыштис крест вылас. Усис. Старик пузис.

— Колō помавны!

Тэрмасьōмōн чышкис дульōсь кипыдōссō бешмет
пōлаас, ойдйō вешйыштис да, крута бергōдчōмōн лōсьōдис
винтовкасō...

Видз вылын керасъысь верзьōма групаясь торйōд-
чис оти и гōнитис обозлань. Тайō вōлі рыжōй вахмистр,
кодi вооружитчōма ыджыд драгунскōй шашкаōн.

— Сулав, папаша-станичник,—равōстис сийō,—вай ми
вежсям! Войскаса господин старшина ёртъяссō ке-
равлас, а тэ вōртōм цельō, миян мишеньясō, палитны
кутан.

Пленникъяс синтырнас видзōдлисны вахмистр вылō.
Найō тōдисны Тарас Горбачевōс, коймōд сотняса стар-
шинаōс.

— Аслад вок туйōдыд мōдōдчин, Лука туйōдыд,—
скōрысь пōлыштис Пелипенко.

Охрим дядь, да кыз нō сідз?—шогпырысь петис Во-
лодькалōн и, съōдз ыджыд вынōн кутōм синва прысни-
тис Пелипенко гезъяс вылō.

— Июда!—горōдис Пелипенко.

Горбачев, ас воём кузяыс лōм впечатление вылō
видзōдтōг, самодовольнōй да веселōй, кватитис саблясō
да сетис сигнал:

— Давай реськыдвывсянныс отикōн!

Туруна видз кузя оти мōд бōрся гōнитисны верзьō-
маяс.

Старик, винтовкасō лэдзōмōн, сук синкым пырыс
восхищайтчōмōн наблюдайтис сы съōлōм вылō воана кар-
тинаōс. Медводзын скачōн гōнитис гōрд черкескаа



— Крест!— дивуйтчис старик.— Вот так случай!

бравой войсковой старшина. Шондыс саясис плато нывкмос буджод сайо. Медборья югорьясыс ыпьялисны офицер эзысь погоньяс вылын. Вов кок гыжйысь лэбисны уль му комокьяс. Югнитис шашкалон лезвиеыс, да тайо югорыс разной югнитис смертникьяслон да стариклон син аканяс. Володька чыкыртис синьяссю, Пелипенко дзоргодчис додь вылын, медым гордою примитны смерть, кызд полагайтчо красной боецлы-кочубеевцы.

Вот войсковой старшина копыртчыштис, шашка во-чис свиста дзирдалана круг, и... юрыс старик-палачлон гогыльтчис турун вывти. Татшом керыштюмыс—восхищайтчан да завидьтор быд именитой керасьыслон. Ватага торжествуйтомон городис да скачон кытшалис обозсо. Горд черкескаа верзьома крута бергодчис. Володька весьтын вирон тыром синьяснас новлодломон пошикис жеребец.

— Мый тан татшюмыс?—гажаа юалис верзьома.

— Батько!—городисны пошти оттшотш Пелипенко и Володька, пырысьтом-пыр ас командирлысь голоссо то-домон.

— Эге, — нюждолис Кочубей, — кагаяс менам рузум пытшкын, бур дозьоритом улын... Ишь, кутшюма тьянэс гартюмы. Ладно, батько кадын воис. Висьталю аттьо асланыд кузь кока другыдлы.

Кочубей мигнитис пастух Степанлы, коди матыстчис пегана оцодчом задья кобыла вылын. Степан югьялис, коть воли посялома да няйт. Кочубей чышкис шашкасо соснас, сюис пуртосас (ножнаас) да чеччыштис вов вывсьыс. Кватитис кинжал, пелька вундалис пленникьяс вылысь кортавллом гезсо. Отсалис сувтны да лэччыны додьсьыс. Кор найо сувтисны му выло, сийо видзодлис отиыслы и модыслы синьясас, аслас нюждодом ен княснас найоос пельпомьясодыс кутюмон. Вештис шапкасо баялбюжас да куимысь окалис косьюмом вомдорьяссю.

— Сернитны бoryн, — парошно скоркодь тонон шуис сийо.—Ахмет! Хлопецьяслы вовьяс! Тшукон седлояс вылын паляласны. Да эн тайо клячаяссю,—мисьтома чыкыртчюломон шуис сийо обезоружитом конвоирлысь мырдьюмом вовьяс выло индомон,—а сетны налы менсьым, заводнойясос: Ханжаос да Ураганос. „Вахмистр“ Горбач, бер-



— Мый таи татшбмыс?—гажаа юалис верзьбма.

гѡд обозсѡ асланым таборлань. Гашкѡ, нѡшта ѡтчывд ка-
детьястѡ бѡбийѡдлам: вѡвъясыд ѡд миян абу жѡ бѡжтѡ-
мѡсь, а пельпом выланым погоньяс.

VI

Туйын Пелипенко матыстчис Кочубей дорѡ, голясьыс
ѡдйѡ кыскіс крестсѡ да нѡжйѡ тшѡктіс:

— Батько, вунды тайѡ куркульскѡй енсѡ: куркульяс ¹⁾
асланьс пыдди лыддьѡны... страм!

Важѡн нин кад, Пелипенко, — ошкыштіс Кочубей, ны-
лѡмѡн соласьѡм топыд вѡньсѡ кинжалнас орѡдїгмоз.

Взводнѡйлы паськыд мышкуас шлапѡдѡмѡн серѡктіс.

— Тадз тѡ сѡні, Крутогоркаад, бѡбьялін: „Рай бокті
прѡйдита, ѡна бѡрда да шогся“... Ах тѡ, синтѡм Лазарь!

— Да кысь тѡ ставсѡ тѡдан, батько? Вот тѡдысьыд!

— Ха-ха-ха!—серѡктіс Кочубей.—Тѡдысь! Тѡдысь кѡ,
так сйѡ тиян выль другныд Стѡпаыд, а ме тѡ... сїдз-тадз.
Ни тайѡ, ни сйѡ.

Володька сѡрнитіс выль другыскѡд. Пастух быттьѡ
ловзьѡма да ѡнмѡма. Володька кѡсйысис сылы пѡдаритны
ассьыс карабинсѡ да бур дагестанскѡй кинжалсѡ.

— Тѡ ѡні миян бригадаын лоан? Збыль-ѡд?—юасис
партизанскѡй пи да чувствуйтис аслас киян Степанлысь
пѡсь кисѡ.

Шондї лѡччис, быттьѡ суніс мыльк сайѡ.

Кочубей командуйтис.


— Рѡттѡмѡн!

Отряд гѡнитіс Волчьей балка изья косьмѡм ю кузя,
кодї муніс степыввса хуторѡ—Суркулийѡ.

¹⁾ Куркуль — кулак.



25551



АБОНЕМЕНТ

Республиканской библиотеки

